

三款

三獻既周一忱畢露所有符檄盡為關宣

宣九天追魂符命

宣牒

天符告布壇檄周宣諒聖鑒之无詳肅玄威

之有耀玉龍霄躡金馬驛呈俾遊莫赴期而

歸獲乘晨步虛而去神无曠職帝有恩言一

如靈寶玄壇律令

向來

靈寶領教濟度金書卷之七十二

靈寶領教濟度金書卷之七十三 啟

洞微高士開光教普真人第廿其後

靈寶通玄弘教水南先生林靈素

科儀立成 品生神

靈官醮儀

步虛

宣衛靈呪

五靈列位 煥鎮五方 始皇護魂 丹老衛形

結靈侍魂 黑帝攝生 中央黃帝 統御萬真

元始誥下 幽夜閃光 罪消北府 名列南宮

金籙定籍 玉宇除殃 朱陵鍊質 飛神太蒼

三官九府 无極神鄉 普受開度 上生天堂

和與道合真

請稱法位

具位 謹焚香上啓

九天司命府上奏靈官飛章靈官主生靈官

主死靈官掌九天靈官掌度人不死府靈官

掌理骸起死府靈官掌三元二十七府靈官

掌三元百二十曹靈官掌都十三官洞靈

官掌都十八大地獄靈官掌都二十四

大地獄靈官掌都大鐵圍山无間地獄靈

官掌東方劍樹地獄靈官掌南方火坑地獄

靈官掌西方金繩地獄靈官掌北方寒氷地

獄靈官掌東北方鐵湯地獄靈官掌東南方

網柱地獄靈官掌西南方屠割地獄靈官掌

西北方鐵丸地獄靈官掌上方風雷地獄靈

官掌下方糞穢地獄靈官掌都山宋地考

獄靈官掌考死萬凡靈官掌治罪天憲考鬼

靈官掌主生罪考掠靈官掌主死罪考掠靈

官掌五獄地獄靈官掌九府業道靈官掌察

夜考鬼靈官掌泉曲府考鬼靈官掌地府司

罪六曹靈官掌生簿司罪靈官掌察命都知

司罪靈官掌閻羅都未司罪靈官掌左司簿

司罪靈官掌拘命攝魄靈官掌九州分野司

靈官掌十二國分野校錄靈官掌六十甲子

生人靈官九天仙真无鞅聖衆玄壇應感一

切真靈伏聞三寶垂光啓瓊章於三洞九清

錫慶飛玉策於九陽生神設濟度之曹司命

建樞機之府上擬天政下濟地祇宣化承流

定玄班於五百憲天弘道敷洪澤於三千案

齋昭然權術煥若今齋主其開度亡過其崇
建靈寶九天生神妙齋請命帝庭微惠真馭
親提携於飛奕伊解脫於幽閉救殫北面之
恭膺效西鄰之敬伏願乘風馭景翩翩齊下
於玄虛舒月騰雲絡繹均臨於碧落不違玉
教恪副瑤壇景不勝虔切之至謹當奉請

請聖 初獻

重稱法位

具位某某重誠上啓

九天司命府列職所主靈官真衆應延應感

一切威靈伏以道冠十方皆清微之相齋齊
分三籙開黑鬱之幽氛厥有靈曹密匡聖運
陸離劍佩雍雍而鶯序雲聯赫奕旌旄肅肅
而鶴行星列典錄籍則性命禍福靡不載資
鈞衡則聰明智慧足有臨職陰職陽主生主
死今齋主其憫念亡故其九京長往萬劫无
歸紛業垢於靈源愆書六洞深客塵於覺海
過紀三元幽幽康康曲之魂成威威執執鄴城之
誠終天痛惱彌劫沉淪依青律以登齊演玄
科而行道費封朝奏雖期帝渥之羅教明徽

宵馳猶賴真靈之鼓動願垂玄貺恪副丹衷
遵青律救宥之恩削黑簡隱顯之錄數宰樞
主宰即毀鎖以張門宣里杜神祇為開關而
啓路幽乘之檢肆觀楓壇俾快觀於陽春獲
顯超於陰夜儀不及物姑殫萬一之忱情見
乎辭願鑒再三之禱景不勝虔切之至謹伸
亞獻

亞獻

亞獻

具位某某上啓

九天司命府列職所主靈官真衆應延應感

一切威靈伏聞下愚動之死地北府標名上
聖提以生天南宮定籍莫匪九霄之素養稟
由一炁之陶鎔聖武布昭既授裁成之柄威
靈廣運合施化育之權齋主其矜憫亡靈皈
依宸極迴骸起死殯離三十六壘之深沉監
其度生俾免百千萬齡之汨沒伏冀體天丕冒
道法自然降梵炁於玄虛拯遊精於黃壤苦
海救慈悲之掉昏衢張智慧之燈刀化樹而
初為齋園春滿水靜波而火息燄幽域陽
回溥物物以更生極塵塵而度命申言有翼

丙鑿無私重念亡故其駕步堪憐駒陰自老
金闕通籍荷洪造以天開王策書勅若丹忱
而日皎承符紫禁竊蔭玄曹更希誦育之恩
俾追顯蹟之咎陰靈陽耀均披拂於仁風乾
清坤夷悉舒運於化日景不勝虔祝之至謹
當終獻

三獻 宣疏

具位某某重誠上啓

九天司命府列職所主靈官真衆應延應感

一切威靈伏聞天闕浩蕩仰觀而雲景洞明
地戶幽寥俯察而業塵流華既藉真靈之下
映可期美識之高踞浩矣羨悅逸哉并獻敢
擬仙冥之德甘膺鼎鉞之威以今龍慶聲沉
鳳舞煙冷紅塵雜運難稽八景之與絳仗歲
誕亟返九華之駕借言有請流惠无疆其等
與顯官不勝望恩之至稽首再拜奉送
迴耕頌
迴耕五雲輿 騰駕九章歌 倏忽升天遠
騰壇香氣多 女恩聖宇宙 福祿遍山河
編想神仙路 道遙上大羅

向來

分燈儀

步虛

詣三寶前

具位臣某誠惶誠恐稽首再拜奏啓

玉清聖境元始天尊清微天寶君上清真境

靈寶天尊禹餘靈寶君太清仙境道德天尊

太赤神寶君九天自然生神上帝恭望睿慈

俯垂省錄切以九霄寥廓凝陽彩以高澄九

壘深況結陰氛而冥昧况六趣之客塵自滓

與三塗之業垢堪悲展轉昏衢沉淪夜壑非

賴神輝之照燭曷開幽境之凄涼是以仙聖

垂憐真靈俯賜降光之玉格敷破暗之金

科上徹真空明三景之燦爛下通風澤消六

洞之蒙迷妙道難量神功不宰以今齋主某

崇建九天生神妙齋間度亡故某羅敷丹悃

鋪設玄壇度死系於衆晨超幽魂於積夜願

徹霄極密放靈光梵炁彌羅萬三色之混沌

華芒鬱勃流九景之希夷容臣仰接陽精俯

除陰翳駕龍鳳列萬點之光明象炬龍膏

布千枝而見朗十華不夜八極皆春用衆景

景之明俾脫幽幽之障恭對道前加持燈果

大聖三寶天尊

魂精魄精與天同生左迴金璫右旋火鈴

月華月輝日霞日英虹映之山素景流澄

晃燈朗映結悉絕青華光洞煥普天鬱明

三元飛耀育胎還嬰離羅吐輝爽爽長庚

身生玉光還轡上清九真宴御玉輝清明

九陽散景萬象華榮生門致神死戶迴靈

天尊毫相二炁齊并流光照徹混合八冥

開明夜府上造深庭

伏以一二三而生萬物變化莫窮地天道而

法自然神奇莫測企虛无之祖森散晃耀之

神光乾蓋坤輿等心燈之曲映陰輪陽軌均

慧燭之流明神光靜默以迎祥碧月澄清而

薦景周迴八陞至尊端拱於光中開泰九幽

遊奕超凌於象外九霞騰彩萬宇澄輝仰惟

大道之生成式副小心之懇切見前清衆請

為分輝

法師以手中燭點三寶前燈衆官分

點內外燈悉令周遍

流光法界天尊

明燈頌

太上散十方華燈通精誠諸天悉皆照

諸地皆朗明我身亦光徹五臟生華榮

表景朝太虛遐想通玉京

向來燃燈功德奉為齋主某開明破暗起死

迴生資薦靈儀仙飛福境伏願亡故某萬緣

解悟八識虛融罪業飄零逐蘭膏而漸竭道

芽堅固隨芝鏡以長新達生生生化之機造

有有無無之妙寒庭春到幽谷陽回晉寶動

植之含靈均悟陰陽之正性稽首皈依无極

大道志心稱念

燈光溥照天尊和不可思議功德

向來

霄寶領教濟度金書卷之七十三